

Na osnovu člana 19. stav 1. Zakona o Vanjskotrgovinskoj komori Bosne i Hercegovine („Službeni glasnik BiH“ broj: 30/01 i 72/13) i člana 17. stav 2. Pravilnika o usklađivanju i registraciji međunarodnih i međuentitetskih autobuskih redova vožnje („Službeni glasnik BiH“ broj: 77/14 i 7/15), a u cilju osiguranja zakonitosti, jednakosti i ekonomičnosti postupka usklađivanja redova vožnje za međunarodni linijski prijevoz putnika, generalni sekretar Vanjskotrgovinske komore Bosne i Hercegovine donosi

## INSTRUKCIJU

o postupanju pri rješavanju zahtjeva za usklađivanje reda vožnje sa ispravkom

### I

U ponovljenom postupku rješavanja zahtjeva za usklađivanje reda vožnje sa ispravkom, na kojem je prijevoznik izvršio ispravku po dobijanju Obavijesti prvostepenog organa, red vožnje sa ispravkom objavljuje se na službenoj web stranici Vanjskotrgovinske komore Bosne i Hercegovine sa naznakom „Prijedlozi redovi vožnje sa ispravkom“ (u daljem tekstu: red vožnje sa ispravkom).

### II

Red vožnje sa ispravkom objavljuje se pod istom oznakom uz dodatak „-ISP“.

### III

Na objavljeni red vožnje sa ispravkom, u roku od 15 dana od dana njegovog objavljivanja na službenoj web stranici Vanjskotrgovinske komore BiH, zainteresirani prijevoznici mogu uložiti prigovor.

Prigovor na objavljeni međunarodni red vožnje sa ispravkom iz 2013. godine, može se podnijeti u pogledu usklađenosti njegovih minimalnih vremena s registriranim redom vožnje za koji podnosilac prigovora posjeduje važeću dozvolu.

Prigovor na objavljeni međunarodni red vožnje sa ispravkom iz 2015. godine i narednih godina, može se podnijeti u pogledu usklađenosti njegovih minimalnih vremena s registriranim redom vožnje za koji podnosilac prigovora posjeduje važeću dozvolu ili posjeduje važeće rješenje o proglašenju reda vožnje usklađenim iz člana 10. stav 1) ovog Pravilnika.

Prigovor na objavljeni međuentitetski red vožnje sa ispravkom iz 2015. godine i narednih godina, može se podnijeti u pogledu usklađenosti njegovih minimalnih vremena s registriranim redom vožnje za koji podnosilac prigovora posjeduje važeće rješenje Ministarstva komunikacija i transporta BiH ili posjeduje važeće rješenje o proglašenju reda vožnje usklađenim iz člana 10. stav 1) ovog Pravilnika.

### IV

Prijevoznik, koji je uložio prigovor u prvostepenom postupku prije objave reda vožnje sa ispravkom, ukoliko ostaje pri prigovoru, dužan je Vanjskotrgovinskoj komori BiH dostaviti obnovljeni prigovor, pri čemu nije dužan uplatiti naknadu za rješavanje prigovora u ponovljenom postupku, po istom predmetu.

### V

Vanjskotrgovinska komora BiH će, u postupku usklađivanja redova vožnje sa ispravkom, razmatrati samo prigovore dostavljene u roku iz tačke III ove Instrukcije, te neće razmatrati ranije podnesene prigovore ukoliko se ne izvrši obnova prigovora u skladu sa tačkom IV ove Instrukcije.

VI

Nakon provedenog ponovnog postupka usklađivanja reda vožnje sa ispravkom, u skladu sa odredbama Pravilnika, donosi se rješenje o proglašenju reda vožnje usklađenim ili neusklađenim.

VII

Danom stupanja na snagu ove Instrukcije prestaje da važi Instrukcija o postupanju pri rješavanju zahtjeva za usklađivanje reda vožnje sa ispravkom na osnovu rješenja drugostepenog organa broj:01-5-205-1/15 od 20.05.2015.godine.

Ova instrukcija stupa na snagu i primjenjuje od dana donošenja.

**GENERALNI SEKRETAR**

Nihad Bajramović



Broj:01-5-205-2/15

Dana:04.09.2015.godine